

BOSNA I HERCEGOVINA
Konkurencijsko vijeće



БОСНА И ХЕРЦЕГОВИНА
Конкуренцијски савјет

ZAKLJUČAK
o odbacivanju Prijave koncentracije
privrednih subjekata Bayerische Motoren Werke i Daimler AG

Sarajevo
august, 2018. godine



Broj: UP-06-26-1-008-6/18
Sarajevo, 08.08.2018. godine

Konkurencijsko vijeće Bosne i Hercegovine, na osnovu člana 25. stav (1) tačka e), člana 42. stav (2), a u vezi sa članom 14. Zakona o konkurenciji („Službeni glasnik Bosne i Hercegovine“, broj 48/05, 76/07 i 80/09), rješavajući po Prijavi koncentracije privrednih subjekata Bayerische Motoren Werke Aktiengesellschaft, Petuelring 130, 80809 Minhen, Savezna Republika Njemačka i Daimler AG, MercedesstraBe 137, 70327 Štuttgart, Savezna Republika Njemačka, podnesenu po advokatu Nihadu Sijerčiću, Fra Anđela Zvizdovića 1, BC UNITIC, Tower B/II, 71000 Sarajevo zaprimljenoj dana 11.04.2018. godine pod brojem: UP-06-26-1-008-1/18, na 34. (tridesetčetvrtj) sjednici održanoj dana 08.08.2018. godine, donijelo je

Z A K L J U Č A K

1. Odbacuje se Prijava koncentracije privrednih subjekata Bayerische Motoren Werke Aktiengesellschaft, Petuelring 130, 80809 Minhen, Savezna Republika Njemačka i Daimler AG, MercedesstraBe 137, 70327 Štuttgart, Savezna Republika Njemačka, radi nepostojanja obaveze prijave koncentracije u smislu člana 14. stav (1) Zakona o konkurenciji.
2. Ovaj Zaključak bit će objavljen u „Službenom glasniku Bosne i Hercegovine“, službenim glasilima entiteta i Brčko distrikta Bosne i Hercegovine.

O b r a z l o ž e n j e

Konkurencijsko vijeće Bosne i Hercegovine (u daljnjem tekstu: Konkurencijsko vijeće) je zaprimilo, dana 11.04.2018. godine, pod brojem: UP-06-26-1-008-1/18, Prijavu koncentracije (u daljnjem tekstu: Prijava) privrednih subjekata Bayerische Motoren Werke Aktiengesellschaft, Petuelring 130, 80809 Minhen, Savezna Republika Njemačka (u daljem tekstu: BMW) i Daimler AG, MercedesstraBe 137, 70327 Stuttgart, Savezna Republika Njemačka (u daljem tekstu: Daimler).

Konkurencijsko vijeće je utvrdilo da je Prijava kompletna, te izdalo Potvrdu o prijemu kompletne i uredne Prijave, u skladu sa članom 30. stav (3) Zakona o konkurenciji („Službeni glasnik Bosne i Hercegovine“, broj 48/05, 76/07 i 80/09) (u daljnjem tekstu: Zakon), dana 02.08.2018.godine. godine, pod brojem: UP-06-26-1-008-4/18.

Podnosilac prijave je naveo, u smislu člana 30. stav (2) Zakona, da je zahtjev za ocjenu koncentracije podnio osim u Bosni i Hercegovini nadležnim organima za zaštitu konkurencije u Albaniji, Brazilu, Kini, Izraelu, Makedoniji, Crnoj Gori, Srbiji, Južnoj Koreji, Švicarskoj, Tajvanu, Turskoj i Sjedinjenim Američkim Državama.

Konkurencijsko vijeće je uvidom u dostavljenu dokumentaciju utvrdilo da je Prijava podnesena u smislu člana 16. stav (1) Zakona.

1. Učesnici koncentracije

Učesnici predmetne koncentracije su privredni subjekat Bayerische Motoren Werke Aktiengesellschaft, Petuelring 130, 80809 Minhen, Savezna Republika Njemačka i privredni subjekat Daimler AG, MercedesstraBe 137, 70327 Študgart, Savezna Republika Njemačka.

1.1. Privredni subjekat BMW

Privredni subjekt BMW je registrovan na Trgovačkom registru B Osnovnog suda Minhen pod brojem: HRB 42243. Svjetski je proizvođač automobila i motocikala. BMW grupa se sastoji od tri brenda: BMW, Rolls Royce i MINI.

Pored razvoja, proizvodnje i reklamiranja ovih vozila BMW i njegova povezana društva također pružaju finansijske usluge privatnim i poslovnim korisnicima.

BMW nema povezanih društava u Bosni Hercegovini već prodaju vozila obavlja nezavisni lokalni uvoznik preko nezavisnih distributera.

1.1.1. Privredni subjekat Daimler AG

Privredni subjekt Daimler je registrovan na Osnovnom sudu u Študgartu pod brojem: HRB 19360.

Sastoji se od više divizija i to Mercedes-Benz Cars, Daimler Trucks, Mercedes-Benz Vans, Daimler Buses i Daimler Financial Services.

Daimler je globalno aktivan u razvoju, proizvodnji i distribuciji auto-moto proizvoda, pretežno putničkih automobila, kamiona, kombija i autobusa. Mercedes-Benz Cars divizija prodaje putničke automobile pod brendovima Mercedes-Benz i "smart". Daimler Financial Services podržava prodaju vozila širom svijeta.

Proizvodi i servisni portfolio ove divizije čine prilagođeni finansijski i lizing paketi za dilere i kupce, kao i finansijske usluge kao što su posredovanje u osiguranju, investicioni proizvodi, kreditne kartice, kao i sveobuhvatno upravljanje voznim parkom i lizing usluge.

Daimler nema povezanih društava u Bosni Hercegovini već prodaju vozila obavlja nezavisni lokalni uvoznik preko nezavisnih distributera.

2. Pravni okvir ocjene koncentracije

Konkurencijsko vijeće je u provođenju postupka ocjene dopuštenosti predmetne koncentracije primijenilo odredbe Zakona, Odluke o utvrđivanju relevantnog tržišta („Službeni glasnik BiH“, br. 18/06 i 34/10) i Odluke o načinu podnošenja prijave i kriterijima za ocjenu koncentracija privrednih subjekata.

3. Pravni osnov i oblik predmetne koncentracije

Pravni osnov koncentracije je Ugovor o kombinovanju poslovanja zaključen dana 28.03.2018. godine, između privrednog subjekta Daimler i privrednog subjekta BMW, kojim namjeravaju da prenesu na društva zajedničkog ulaganja njihova postojeća poslovanja. U pitanju su usluge (..)**¹. Društva zajedničkog ulaganja nisu osnovana u momentu podnošenja Prijave.

¹ (..)** - Podaci predstavljaju poslovnu tajnu, u smislu člana 38. Zakona o konkurenciji.

Privredni subjekat Daimler će prenijeti na društva zajedničkog ulaganja slijedeća poslovanja: (..)**.

Privredni subjekat BMW će prenijeti na društva zajedničkog ulaganja slijedeća poslovanja: (..)**.

Nakon provođenja koncentracije, učesnici koncentracije će zasebno držati (..)**% udjela u svakom društvu zajedničkog ulaganja, osim u djelatnosti mytaxi, gdje će oba učesnika koncentracije držati (..)**% u glavnoj holding kompaniji društava zajedničkog ulaganja, a trenutni manjinski investitor će direktno zadržati manjinski (bez kontrole) udio u mytaxi.

Svaki od šest društava zajedničkog ulaganja će biti zajednički kontrolisana od strane privrednih subjekata BMW i Daimler. Društva zajedničkog ulaganja će nuditi svoje usluge komercijalnim kupcima, pravnim licima i privatnim kupcima u raznim državama širom svijeta.

U skladu sa članom 12. stav (1) tačka c) Zakona, pravni oblik koncentracije je zajedničko ulaganje na dugoročnoj osnovi između Podnosilaca Prijave.

4. Ocjena prijave koncentracije

Obaveza prijave koncentracije privrednih subjekata sa sjedištem u Bosni i Hercegovini, u smislu člana 14. stav (1) pod b) Zakona, u vezi sa članom 2. Odluke o načinu podnošenja prijave i kriterijima za ocjenu koncentracije privrednih subjekata („Službeni glasnik Bosne i Hercegovine“, broj 34/10), postoji ako ukupni godišnji prihod svakog od najmanje dva privredna subjekta učesnika koncentracije ostvaren prodajom roba i/ili usluga na tržištu Bosne i Hercegovine iznosi najmanje 8.000.000,00 KM po završnom računu u godini koja je prethodila koncentraciji, ili ako je njihov zajednički udio na relevantnom tržištu veći od 40,00%.

Ukupni godišnji prihodi privrednih subjekata učesnika predmetne koncentracije na dan 31.12.2017. godine ostvareni na svjetskom nivou:

Tabela 1.

	BMW	Daimler
Ukupan prihod		
EUR	(..)**	(..)**
KM	(..)**	(..)**

Izvod: podaci iz Prijave

Ukupni godišnji prihodi privrednih subjekata učesnika predmetne koncentracije na dan 31.12. 2017. godine ostvareni na tržištu Bosne i Hercegovine:

Tabela 2.

	BMW	Daimler
Ukupan prihod		
EUR	(..)**	(..)**
KM	(..)**	(..)**

Izvod: podaci iz Prijave

Godišnji prihodi učesnika koncentracije predstavljaju ukupne prihode (bez poreza na dodanu vrijednost i drugih poreza koji se direktno odnose na učesnike koncentracije na tržištu Bosne i Hercegovine), u smislu člana 9. tačka h) Odluke o načinu podnošenja prijave i kriterijima za ocjenu koncentracija privrednih subjekata.

Članom 14. stav (3) Zakona je utvrđeno da u slučaju da se koncentracija odnosi na spajanje ili pripajanje dijela ili dijelova jednog ili više privrednih subjekata, bez obzira da li ti dijelovi imaju status pravnog lica, pri izračunavanju prihoda, obračunavat će se samo prihod onih dijelova privrednog subjekta koji su predmet kontrole koncentracije.

Prema podacima iz Prijave (Tabela 2.) učesnici koncentracije nisu ispunili uslov ukupnog godišnjeg prihoda, u smislu člana 14. stav (1) tačka b) Zakona.

Također, učesnici koncentracije nisu ispunili uslov iz člana 14. stav (1) tačka b) u pogledu tržišnog udjela, obzirom da nisu prisutni na relevantnom tržištu predmetne koncentracije u Bosni i Hercegovini, pa je samim tim njegov tržišni udio 0%, te stoga Konkurencijsko vijeće nije analiziralo relevantno tržište u Bosni i Hercegovini.

Na osnovu naprijed navedenog, utvrđeno je da učesnici koncentracije nisu bili obavezani podnijeti prijavu koncentracije u smislu člana 14. Zakona, te je odlučeno kao u dispozitivu.

5. Administrativna taksa

Podnosilac Prijave na ovaj Zaključak, u skladu sa članom 2. Tarifni broj 108. tačka c) Odluke o visini administrativnih taksi u vezi sa procesnim radnjama pred Konkurencijskim vijećem („Službeni glasnik BiH“, br. 30/06 i 18/11) dužan je platiti administrativnu taksu u ukupnom iznosu od 1.000,00 KM u korist Budžeta institucija Bosne i Hercegovine.

6. Pouka o pravnom lijeku

Protiv ovog Zaključka nije dozvoljena žalba.

Nezadovoljna strana može pokrenuti upravni spor pred Sudom Bosne i Hercegovine u roku od 30 dana od dana prijema, odnosno objave ovoga Zaključka.

Predsjednica

Adisa Begić